



Inatsisartunut ilaasortaq
Pele Broberg, Naleraq
/Her

**Asiap Sulisitsisunut akiliutigisai pillugit § 37 naapertorlugu apeqqummut
nr. 097-2025-mut akissuteqaat**

Asasara Pele Broberg

Inatsisartut Suleriaasianni § 37-mi, imm. 1 naapertorlugu Asiap Sulisitsisunut
akiliutai pillugit Naalakkersuisumut apeqquteqaateqarputit.
Apeqqutit uannit akisassanngorlugit innersuunneqarput.

***1. "Asiaq Misissueqqaarnerit" "suliffeqarfittut" sorliua, aamma Naalak-
kersuisut tassunga ilitersuinissamut pisinnaatitaappat?***

Akissut:

Asiaq Misissueqqaarnerit suliffeqarfiuvoq imminut ingerlattoq, 1. jánuaari
1990-imi pilersinneqartoq. Asiaq Avatangiisinut Pinngortitamullu Naalak-
kersuisoqarfiup akisussaaffeqarfiata ataaniippoq. Misissueqqaarnerit pillugit
Inatsisartut peqqussutaat nr. 18, 28. oktober 1993-imeersoq Asiamut inatsisiti-
gut tunngaviuvoq. Inatsit Asiamut suliaassanullu Asiamit isumagineqartussanut
suliaassanngortitassanullu najoqqutassanik aalajangersaaffiusarpoq. Inatsit
oqaaseqaatillu <https://nalunaarutit.gl>-imi nassaarineqarsinnaapput.

Inatsisartut peqqussutaat imaluunniit tassani
allaaserineqarsimasut Naalakkersuisut ilitersuinissamut
pisinnaatitaaffii pillugit apeqquteqaammut erseqqarinngillat.
Taamaattoq Inatsisartut peqqussutaanni § 1-imi, imm. 5-imi
allaqqavoq, Naalakkersuisut "nalunaarutiliorsinnaapput
Misissueqqaarnerit ingerlatsinerminni malittarisassaannik
aalajangersaasunik". Tassaniipporlu, siulersuisut peqanngippata
suliffeqarfimmi aqutsisutut Naalakkersuisut pisinnaatitaassasut.
Tassunga ilanngullugu Inatsisartut peqqussutaanni § 2-mi, imm.
3-mi allaqqavoq, Suliffeqarfik pisortamit Naalakkersuisunit
toqqarneqartumit aquuneqassasoq. Tassunga ilaavoq,
Naalakkersuisut ulluinnarni suliffeqarfimmi aqutsinermut
akulerutinnginnissaat naatsorsuutigineqartoq, kisianni immikkut
pisoqartillugu noqqaassutit suliffeqarfimmi ulluinnarni
aqutsisumut tunniunneqarnissaat naatsorsuutigineqassaaq.

Brevdato: 10-07-2025
Sagsnr.: 2025 - 14569
Akt-id: 25536482

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

2. Naatsorsuutit akuerisaasut kingulliit naapertorlugit "Asiaq Misissueqqaarnerit" aamma immikkoortut tassunga attuumassutillit tamarmik "Sulisitsisut"-nut qanoq annertutigisumik akiliisarpap?

Akissut:

Asiaq Misissueqqaarnerit ilisimatitsivoq, 2024-mi ilaasortaanermut Sulisitsisunut 10.000 koruuninik akiliisimallutik. Asiaq immikkoortortaqaanngilaq.

3. Ukiup siulianeersut naatsorsuutit katikkaanni "Asiaq Misissueqqaarnerit" aamma immikkoortut tassunga attuumassutillit tamarmik "Sulisitsisut"-nut qanoq annertutigisumik akiliisarpap? Tassani naatsorsuutitigut ukiut tallimat utimut akissuteqartoqarnissap piumasaqaatigineqarpoq.

Akissut:

Asiaq Misissueqqaarnerit ilisimatitsivoq, piffissami 01.01.2020-mit 31.12.2024-mut - tassalu piffissani naatsorsuusiorfiusuni kingullerni tallimani Sulisitsisunut ilaasortaanermut katillugit 50.000 koruunit akilerneqarsimapput. Asiaq Misissueqqaarnerit immikkoortortaqaanngilaq.

Inussiarnersumik inuulluaqqusilluta



Bentiarq Ottosen